

VISIT...

LANZAROTE
Caliente.COM

السؤال آخر السنة ،
هتتسأل إزاي في الشفوي ؟؟
تدخل على الدكتور يقولك : يا ابني أنا هقولك أسماء أمراض كثيرة ، هيقوم راصص عشر أمراض كده ، وأنت مطلوب منك كل مرض تقوله إيه
Primary بتاعها ،
بعدما تخلص ال list دي ،
يقولك : أنا هقولك ال primary lesion ، حوالي عشرة ، وأنت المطلوب منك تقولي أسم المرض بتاعها
مفهومة ؟؟؟

يعني مثلاً يقولك : ال Lupus vulgaris ، تقوله مثلاً ال Primary lesion فيه ال Nodule
يقولك : ال vitiligo تقوله مثلاً patch أو Macule
فاهمني ؟؟؟
يقولك مثلاً : ال acne vulgaris " حب الشباب " ، تقوله comedo
خلصنا كده ، الأمراض

يقوم جايلك ،،
يقولك : ال comedo بتاع إيه ؟؟؟
acne vulgaris ال : تقوله

يقولك : ال burrow ؟؟
scabies في ال : تقوله

ده بالنسبة لشكل السؤال بيجي فيها إزاي ؟؟ ومهم جداً مهم جداً ،
كل Primary lesion هنتكلم عليه دلوقتي إن شاء الله
مطلوب منك تعرف إيه في ال Primary lesion ؟؟؟
• تعريفه بالإنجليزي ، التعريف بتاعه ، يعني إيه ال Primary lesion ، تعريفه بالإنجليزي إيه ؟؟؟
• اسم المرض
قولنا في سؤال آخر السنة ،، هيقولك المرض ، وتقوله اسم ال primary lesion
أو يقولك اسم ال Primary lesion ، وأنت تقوله اسم المرض
خلاااa

يقوم قايلك مثلاً : إيه تعريف ال Macule ؟؟؟
إنت المفروض تقوله إيه تعريف ال Macule

نبدأ أول حاجة نقول ال Primary lesion

ال Primary lesion هنتقسمها إلى تلت حاجات ،
• أول حاجة ، مجرد تغير في اللون ، يبقى فيه تغير في اللون ، تغير في لون الجلد
• أول ما حصل ارتفاع فوق مستوى سطح الجلد ، الإرتفاع ده قد يكون ارتفاع ناشف جامد مفيهوش أي سوائل ، وقد يكون ارتفاع فيه سائل وفيه مية
• وفيه حاجات خواص
• يبقى تلت تقسيمات لغاية دلوقتي

أول حاجة التغير في اللون

نتخيل أدي الجلد أهو ،
مجرد إنه حصل إن لون الجلد اتغير ، لا هو الجلد علي فوق بالمنظر ده كده ، ولا الجلد اتخسف ونزل تحت بالمنظر ده كده
كل الي حصل تغير في اللون
خلاااااااص ، أيأ كان اللون ، أحمر ، أسود ، أخضر ، مليش دعوة
المهم إنه حصل تغير في اللون بس
خلاص ، ، بدون ما يعلى وبدون ما ينزل ، بدون ما يطلع وبدون ما ينزل تحت

طب ،

ده يتشاف ولا يتحس أحسن ؟؟؟

ده يتشاف

يبقا إذأ ، ، الي أنا عايز أقوله : هو حصل change في ال color ، ، without إنه يطلع لفوق ، ، without إنه ينزل تحت
يعني Not elevated ، ، not depressed
ويتشاف أحسن ، ، يبقا skin not felt

لو كان التغير ده ، ، أي تغير في اللون ، ، أنا يهمني حصل بقعة على سطح الجلد ، ، لو البقعة دي أقل من نص سم ، ، هسميها بقعة Macule
لو كانت كبيرة بالمنظر ده ، ، أكثر من نص سم ، ، البقعة أصبحت بقعة كبير ، ، والبقعة الكبيرة مبنقولش عليها بقعة ، ، بنقول عليها بطشة ، ،
والبطشة هي Patch

يبقا ده الي عندنا ، ، الي هو تغير في اللون

- يا إما بقعة صغيرة أقل من نص سم ، ، اسمها macule
- يا إما بقعة كبيرة أو بطشة أكثر من نص سم ، ، نسميها Patch

تاني حاجة لو حصل ارتفاع

لو حصل ارتفاع صلب ، ، ناشف ، ، جامد فوق مستوى سطح الجلد ، ، خلااااااص
وكان هذا الارتفاع ليس فيه أي سائل ، ، لو كان حجمها صغير بالمنظر ده كده ، ، أقل من نص سم ، ، هتقول إن دي حباية ، ، والحباية بنقول عليها papule
لو كان هضبة بقا بالمنظر ده كده ، ، يعني أكثر من نص سم ، ، هضبة على سطح الجلد أهي ، ، أكثر من نص سم ، ، دي ساعتها نسميها هضبة
واسمها plaque

طب ،

افرض الحباية الي طالعة دي كده ، ،

كان ليها عمق في الجلد ، ، داخله في الجلد ، ، ليها extension بالمنظر ده ، ، ليها depth بالمنظر ده
هي حباية هتخش الجلد ، ، مسكتها لقيت ليها عمق ، ، وداخله في الجلد ، ، دي ساعتها أسميها عقدة أو عقيدة nodule
وليهم نفس التعريفات
أقول إيه ؟؟؟

هنا ارتفاع صلب ناشف جامد ، ، solid elevation of the skin

- أقل من نص سم ، ، Papule

- أكثر من نص سم plaque
- اللي ليه عمق في الجلد Nodule خلاااااص ، كده خلصنا الإرتفاعات كلها

طَبَّ

لو الإرتفاع كان فيه سوائل ،، قالك ممكن تطلعلك حويصلة ،، أو فؤيفة بالمنظر ده فيها مية وحجمها أقل من نص سم ،،

وممكن تطلعك بالمنظر ده كبيرة أهي 😊 فقاعة كبيرة أو بالونة كبيرة أهي أكبر من نص سم

يبقا دي فقاعة صغيرة أقل من نص سم

أما دي فقاعة كبيرة أكثر من سم

وكل دي فيها مية ، سواءاً المية دي كانت exudate ، transudate ، blood أي حاجة

المهم إنه ميقاش صديد،، ميقاش صديد

لأن لو فيه فقاعة وفيها صديد هيبقا ليها اسم تاني

لو كان عندي حويصلة أو فؤفئة مليانة مية هسميها vesicle

كبرت وبقت بالونة ،، فقاعة كبيرة هسميها ،، بالونة bullae

pustule أما لو كان فيها صديد هسميها

يبقا إحنا قولنا لغاية دلوقتي ،،

- اثنين تغير في اللون
- ثلاثة ارتفاع صلب ناشفة
- وثلاثة ارتفاع فيها سوائل

تالت حاجة الحاجات الخواص

إيه بقا الحاجات الخواص؟؟

ال Burrow ، بتاع ال scabies

أول ما تشوف ال burrow ،، قول إن المرض ده اسمه scabies

لكن،،

أنا لو لقيت vesicle ، ممكن بتاعت eczema ، ممكن بتاعت حاجة ثانية

لو أنت لقيت pustule ، ممكن impetigo ، ممكن حاجات كتير تعمل Pustule "أنا بعذر فيه كلام مسمعوش كويس وأنا بفرغ

بس الى بعديه إن شاء الله ميخلص بمعنى ولا يغير في المحاضرة بإذن الله "

ال Nodule وهكذا، أي حاجة زي كده ،، تلاقي فيه أمراض كتيرة بتعملها

لكن،

ال burrow مفیش غیر ال scabies وبس

يبقا ده أول سؤال تسأله لنفسك ،،

تاني سؤال ،، هسأله لنفسي ،، إيه الفرق ما بين القرح " الـ Ulcer " ،، والتأكلات " الـ erosion " ،، والشقوق " الـ fissure " ؟؟ ده تاني سؤال هسأله لنفسي

تالت سؤال ،، هسأله لنفسي ،، إيه الفرق ما بين القشرة ،، والقشرة؟؟؟ القشرة الـ scales ،، والقشرة الـ crustation ؟؟؟ نجواب بقا على الأسئلة دي ،،

أول حاجة ،،

إيه هو الـ Primary وينفع secondary من الـ إحنا خدناه ؟؟

قالك : بص معايا

الفقاعة الـ Pustule جواها Pus ،، بنسميها Pustule

أنا لسه قايل دلوقتي إنها Primary ،، قالك : وتنفع secondary

تاني حاجة القشرة ،، الـ scales

الـ scales دي تنفع Primary وتنفع secondary

حاجتين ينفعوا Primary وينفعوا secondary

طيب ،،

إزاي الـ pustule تنفع primary ؟؟؟

مرض أول لما بدأ ،، بدأ إن هو عمل حويصلة فيها صديد زي Bullous impetigo ،، أول ما بدأ عمل حويصلة ،، هتلاقي فيها نقط صفرا على سطح الجلد ،،

قالك : أومال إزاي تبقا secondary ؟؟؟

اصحا معايا ،،

لو أنا عندي الجلد أهو ،، وطلعلي هنا فقاعة مليانة مية ،، افرض الـ vesicle دي حصل فيها secondary bacterial infection والمية دي اتحولت إلى صديد ،،

المية لما تتحول إلى صديد مش هقدر أسميها vesicle ،، هسميها pustule

ساعتها المرض ده هل بدأ بـ pustule ؟؟؟ ولا حصل فيها secondary bacterial infection ؟؟؟

حصل فيها secondary bacterial infection ،، واتحولت

يبقا ده كان الشكل التاني ،، يبقا ده secondary lesion مش Primary

يبقا المرض لو بدأ بشكل واتغير بقا شكل تاني ،، يبقا الشكل التاني ده هو الـ secondary

وهكذا ،،

نفس الكلام هو هو ،، تكرر بس

لو حباية طالعة على مستوى الجلد أسميها Papule

الحباية دي هي الـ Primary lesion ،، المرض بدأ بحباية

افرض دي حصل فيها secondary bacterial infection وحصل necrosis في الوسط هنا ،، وكونت شوية Pus هنا

واتحولت إلى فؤفئة مليانة pus

ساعتها اسميها pustule

بس دي كان شكل تاني ،، مش شكل أولاني ،، يبقا دي secondary lesion

إن الـ Ulcer خدت كل التخانة وكل العرض وكل السّمك بتاعت الـ epidermis ووصلت تحت للـ dermis ، وضرب الـ dermo-epidermal junction

يبقا تاني ،

الـ Ulcer ، هي والـ erosion ، الأتتين فقدت جزء من الجلد ،

فقدت جزء من سطح الجلد ، يعني loss of continuity of the skin

بس الـ Ulcer اختلفت في تلت حاجات :

- إن الـ Ulcer خدت كل التخانة والسّمك بتاعت الـ epidermis

- وصلت تحت للـ dermis

- ضربت الـ dermo-epidermal junction

فبالتالي يوم ما يحصلها healing ، يحصل Healing by fibrous tissue ، fibrosis ، fibrosis

وفي الآخر تعملي scar

طب ،

الـ erosion ؟؟

الـ erosion ، لا ، هو loss of continuity of the skin

بس ، مخدش كل التخانة ، مخدش كل العرض ، مخدش كل السّمك ، منزلش تحت في الـ dermis ، مضربش الـ dermo-epidermal junction

يوم ما يحصل Healing ، يحصل إيه ؟؟

خلايا من هنا ، أهي ، هتكون خلايا ، خلايا خلايا ،

يحصل re-epithelization تكون normal skin عادي مفيهوش مشكلة

هي دي الفروق ما بين الـ Ulcer والـ erosion

وإحنا بنقول الفروق ما بين الـ ulcer والـ erosion زاد لي تعريف تاني ، بردو secondary lesion

اللي هو الـ scar

هو الـ scar ده عبارة عن إيه ؟؟

Fibrous tissue ، عمل إحلال واستبدال للجزء من الجلد اللي وقع

أقولها إزاي بالإنجليزي ؟؟

Fibrous tissue ، عمل replacement للـ tissue اللي وقع ،، الـ Lost skin

هو ده تعريف الـ scar

وده يعتبر secondary lesion

طب ،

الـ fissure ؟؟

الـ fissure ، لو أنا جيت ببص كده من فوق بالطيارة على سطح الجلد ،

الـ fissure ، أو الشّق ده ، هيبان كده

شّق ده عبارة عن إنه حصل Longitudinal cut ، قطع كده طولي في الجلد

ممکن يوصل للـ dermo-epidermal junction

بس مشكلة الـ fissure في الـ ulcer ، الألم ، الـ Pain

هو ده التحزز، وده خدناه في ال eczema، وخدناها في الأرتيكاريا
لما الإنسان بيهرش لفترات طويلة

تمت بحمد الله الإنتهاء من تفريغ محاضرة ال primary lesion

لمزيد من المواد المفرغة

على الفيس بوك

صفحة تفريغ المواد الطبية

www.facebook.com/dr.tafreegh

نحبكم في الله

إذا عجبك أي شيء متفرغ تابع لصفحة تفريغ المواد الطبية أو جروب تفريغ المواد الطبية

وحبيت حضرتك تنقله اتفضل

بذكر المصدر أو بدون

المهم أن المعلومة توصل لغيرك

واحتسب إنك بتوصل معلومة لغيرك

وإن شاء الله لك من الأجر الكثير بإذن الله

ويكون في خدمة الإسلام

ويكون سبب في علاج مريض باختلاف اسمه أو جنسه أو دينه

اللهم اجعل عملنا خالصاً لوجهك الكريم

اللهم آمين

😊 سلام بقا